

213
Dorgali 18/8/93

TERRA, RIBELLATI

CHE BONA MAMMA, NOS AS'ALLEVAU
 CHIN ABUNDANZA E CHERENDENNOR VENE
 OGNI ESSERE VIVENTE O TRAPASSAU
 FINI TOTTU NUTRIOS DAE TENE
 CHIN SOR BOSCO, NOS HAS OSSIGENAU
 DANDENNOS A PAPPARE OGNA BENE
 E, MERITTAS TRATTADA CHIN RISPETTU
 MA MEDAS FIZZOS TI VACHE DISPETTU

MERITTAS, TANTU APREZZU, E TANTU ONORE
 PO SOR BENES CHI TUE NOS'AR DAU
 PO, SOS SIDIOS ABA, HAS PROCURAU
 PO SOR FAMIOS CAMPOS DE LAORE
 ATTEROS CIBOS DE BONU SAPORE
 PETTA BINU E FRUTTA HA REGALAU
 NON CREO, D'ESSE NANDE SU CONTRARIU
 C'AR DAU TOTTU SU CH'ID NECESSARIU

S'ASPETTU TOU FI DE AMIRARE
 CA, DEU IN TOTTU T'AIA DOTTADA
 DE MONTAGNAS E BOSCO CORONADA
 CHIN ABBAS PURAS DE RIOS E MARE
 CHIN SU ERANU PO TI PROFUMARE
 SOR FIORES FRUS BELLOS ISBOCIADA
 PERI SOS ASTROS TI DANE UNA MANU
 PO ESSE S'AMBIENTE FRISCU E SANU

COMO, SES TRASFORMADA DE ASPETTU
 PO CURPA E CUSSOS FIZOS MOSTRUOSOS
 CHI PO TENE NON USANA RISPETTU
 PERFIDOS INUMANOS DISPETTOSOS
 ALLUENDEDE TI SONE IN DOGNI TRETU
 INCENDIOS DE VORMA ISPAVENTOSOS
 NON FINI DIGNOS DE CONNOSCHE A TIE
 NEN D'ESISTER IN TERRA MANCU DIE

TERRA! PUIT'EST CHI NON TI RIBELLAS?
 E, TORRAS DAE NOU A GERMOGLIARE
 PEDI S'AGGIUDU DE TOTTU SAS ISTEILLAS
 CHI TI TORREN SAS ABBAS ABBUNDARE
 CAMPOS E COSTAS TI TORRENE BELLAS
 E I SU IRDE TORREN A BRILLARE
 TORRES A ESS D'EDEN SU GIARDINU
 CHE A CANDO T'HA FATTU SU DIVINU.

CATERINA SAGHEDDU
 DORGALI

SA RIMA N°26